

古

謠

諺

古謠諺卷十三

秀水杜文瀾輯

建隆中京師歌

宋史五行志四建隆中京師士庶及樂工少年

競唱歌曰云自建隆開寶凡平荆湖川廣江

南原本南誤西今據太祖紀五國皆來朝太祖紀乾

德元年二月甲午慕容延釗入荆南高繼沖請

歸朝三月戊寅慕容延釗破三江口下岳州克

復朗州湖南平三年正月乙酉蜀主孟昶降開

寶四年二月己丑潘美克廣州俘劉鋹八年十

一月乙未曹彬克昇州

俘其國主煜江南平

五來子

劉鋹末年廣南童謠

宋史五行志四廣南劉鋹末年童謠

青箱雜記卷七作乾

和中童謠曰

云

後王師以辛未年二月四日擒鋹

識者以爲羊未神也雨者王師如時雨之義也

羊頭二四白天雨至

皇祐中謠

宋史五行志四皇祐五年正月戊午狄青敗儂

智高於歸仁鋪初謠言

云

至是智高果爲青

所破

農家種糴家收

淳熙中淮西汪秀才歌

宋史五行志四淳熙中淮西競歌汪秀才曲曰

云

云

又爲獬舞以和之後舒城狂生汪格謀不

軌州兵入其家縛之其子拒殺聚惡少數千爲
亂聲言渡江事平格亦伏誅

騎驢渡江過江不得

淳熙十四年歌

宋史五行志四十四年都城市井歌曰云至

紹熙二三年其事始應於兩宮孝宗紀淳熙十

下詔傳位皇太子是日皇太子即皇帝位帝素

服駕之重華宮辛未上尊號曰至尊壽皇聖帝

光宗紀紹熙二年十一月辛未皇后李氏殺黃

貴妃以暴卒聞王申台祭天地於園丘大風雨

不成禮而罷帝震懼感疾壽皇聖帝及壽成皇

后來視疾四年九月甲申帝將朝重華宮皇后

止帝五年六月戊戌夜壽皇聖帝崩先是丞相

留正知樞密院事趙汝愚參知政事陳騭同知

樞密院事余端禮聞壽皇大漸見帝於後殿

力請帝朝重華宮皇子嘉王亦泣以請不聽

汝亦不來我家我亦不來汝家

紹定三年歌

宋史五行志四紹定三年委巷叢談作嘉泰三年

年號紹定係理宗年號太子詢係寧宗之太子非理宗之太子其卒在寧宗嘉定十三年越五年始為理宗寶慶元年又越三年始為紹定元年若此歌果作於紹定間則太子之卒已久安得指為徵應當以嘉泰為是或疑嘉泰當作嘉定然嘉定元年上距嘉泰末年其中僅隔開禧三年不必改泰為定也都城市井作歌詞末句皆曰云云

朝廷惡而禁之未幾太子詢薨

東君去後花無主委巷叢談無後字

紙錢謠

宋史五行志四宋初陳搏有紙錢使不行之說

時天下惟用銅錢莫喻此旨其後用交子會子

其後會價愈低故有

云

之謠似道惡十九界

之名乃名關子然終爲十九界矣而關子價益

低是紙錢使不行也

賈似道傳復以楮錢作銀關以一準十八界會之三

行之十七界廢不用銀

關行物價益踊楮益賤

使到十八九紙錢飛上天

五更頭謠

宋史五行志四宋以周顯德七年庚申得天下
圖讖謂過唐不及漢一汴二杭三閩四廣又有

云之謠故宮漏有六更按漢四百二十餘年
唐二百八十九年開慶元年宋祚過唐滿五庚
申之數至德祐二年正月降附得三百一十七
年而見六庚申如宮漏之數

寒在五更頭

盧宗原引諺

宋史河渠志六宣和六年九月盧宗原復言池
州大江乃上流綱運所經其東岸皆暗石多至
二十餘處西岸則沙洲廣二百餘里諺云

云

言舟至此必毀拆也今東岸有車軸河口沙地
四百餘里若開通入社湖使舟經平水徑池口
可避二百里風濤拆船之險請措置開修從之
拆船灣

元史官引時人語論職官

宋史職官志序臺省寺監官無定員無專職類
以他官主判雖有正官非別勅不治本司事其
官人受授之別則有官有職有差遣官以寓祿
秩敘位著職以待文學之選而別爲差遣以治

內外之事其次又有階有勲有爵故仕人以登
臺閣升禁從爲顯宦而不以官之遲速爲榮滯
以差遣要劇爲貴途而不以階勲爵邑有無爲
輕重時人語
楊氏慎均藻卷二
引類要作唐世諺
曰云
虛名不
足以砥礪天下若此

甯登瀛不爲卿甯抱槧不爲監

王巖叟引父老諺

宋史兵志六熙寧初王安石變募兵而行保甲
元豐八年哲宗嗣位九月監察御史王巖叟言

保甲之害十一月嚴叟言夫朝廷知教民以爲
兵而不知教之太苛而民不能堪知別爲一司
以總之而不知擾之太煩而民以生怨民之言
曰鞭笞不足以爲苦而誅求之無已有甚焉創
袍市巾買弓絛箭添弦換包指治鞍轡涼棚畫
象法造隊牌緝架僦椅卓圍典紙墨看定人雇
直均菜緡納稽粒之類其名百出不可勝數故
人老之諺曰

云

云

非虛語也此誅求之所以爲

甚苦也

兒曹空手不可以入教場

宋琪引諺

宋史宋琪傳端拱初以舊相進位東部尙書宣
化五年李繼遷寇靈武琪又上書言邊事曰靈
武路自通達軍人青崗峽五百里皆蕃部熟戶
况彼靈州便是吾土芻粟儲蓄率皆有備緣路
五七程不煩供饋止令逐都兵騎裹糧輕齎便
可足用諺所謂云一云劫一時之力也旬浹之餘
固無闕乏矣

磨鍊殺馬

京師爲陳象輿董儼語

宋史趙昌言傳樞密副使張宏循默守位昌言
多條上邊事太宗卽以昌言代宏爲樞密副使
時鹽鐵副使陳象輿與昌言善知制誥胡旦度
支副使董儼皆昌言同年右正言梁顥嘗在大
名幕下四人者日夕會昌言之第京師爲之語

曰

陳三更董半夜

玉壺清話引同鮑氏
廷博云董一作梁

張問引諺

宋史畢仲衍傳以蔭爲陽翟主簿張昇縣人也
方鎮許請於朝欲興學校旣具材計工又聽民
自以其力輸助邑子馬宏以口舌橫閭里卽詣
府宣言縣吏盡私爲學之費又將賦於民昇果
疑焉敕縣且止又揭其事於道仲衍會攝縣事
卽逮捕驗治五日得其姦言於昇流宏鄧州一
縣相賀給事中張問居里中謂仲衍曰諺云

云君之謂也

鋤一惡長十善

時人爲蘇紳梁適語

宋史蘇紳傳紳與梁適同在兩禁人以爲險詖

故語曰

草頭木腳陷人倒卓

閩人宰相謠

宋史章得象傳世居泉州高祖仔鈞事間爲建
州刺史遂家浦城得象長而好學楊億以爲有
公輔器擢同知樞密院事遷戶部侍郎遂拜同

中書門下平章事集賢殿大學士初閩人謠曰

云至得象相時沙湧可涉云

南臺江合出宰相

京師爲包拯語

宋史包拯傳除天章閣待制知諫院除龍圖閣

直學士河北都轉運使召權知開封府拯立朝

剛毅貴戚宦官爲之斂手聞者憚之人以包拯

笑比河清童稚婦女亦知其名呼曰包待制京

師爲之語曰

云舊制凡訟訴不得徑造庭下

八
拯開正門使得至前陳曲直吏不敢欺

關節不到有閻羅包老

時人爲李稷李察語

宋史李稷傳擢鹽鐵判官遂爲陝西轉運使制
置解鹽秦民作舍道傍者創使納侵街錢一路
擾怨與李察皆以苛暴著稱時人語曰

甯逢黑殺莫逢稷察

蘇州民爲王覲歌

宋史王覲傳加直龍圖閣知蘇州州有狡吏善

刺守將意以撓權前守用是得譏議覲窮其姦
狀寘於法一郡肅然民歌詠其政有云之語
吏行冰上人在鏡心

江公望引俚語

宋史江公望傳拜左司諫時御史中丞趙挺之
與戶部尚書王古用赦恩理逋欠古多所蠲釋
挺之劾古傾天下之財以爲私惠公望乃上疏
曰臣聞挺之與古論事每不相合屢見於辭氣
懷不平之心有待而發俚語有之云此小人

之所不爲而挺之安爲之豈忠臣乎

私事官讎

曹輔引俚語

宋史曹輔傳歷祕書省正字自政和後帝多微行輔上疏略曰夫君之與民本以人合合則爲腹心離則爲楚越畔服之際在於斯須甚可畏也俚語有之

云

主人何負於盜哉萬一當乘

輿不戒之初一夫不逞包藏禍心發蠱蠱之毒奮獸窮之計雖神靈垂護然亦損威傷重矣又

況有臣子不忍言者可不戒哉

盜憎主人

案左氏成公十五年引盜憎主人人民惡其土但彼不明言俚語故置彼引此

崔鷗引京師語

宋史崔鷗傳調筠州推官徽宗初立以日食求言鷗上書曰今宰相章惇狙詐凶險天下士大夫呼曰惇賊貴極宰相人所具瞻以名呼之又指爲賊豈非以其孤負主恩玩竊國柄忠臣痛

憤義士不服故賊而名之指其實而號之以賊

邪京師語曰

云

謂惇與御史中丞安惇也

大惇小惇殃及子孫

東都事略崔鷗傳同章惇傳下句作入地無門

敵爲岳家軍語

宋史岳飛傳師每休舍課將士澶坡跳壕皆重

鎧習之善以少擊衆欲有所舉盡召諸統制與

謀謀定而後戰故有勝無敗猝遇敵不動故敵

爲之語曰

撼山易撼岳家軍難

鎮江民爲蔡洸歌

宋史蔡洸傳以戶部郎總領淮東軍馬錢糧知
鎮江府會西溪卒移屯建康舳艫相銜時久旱
郡民築陂瀦水灌溉漕司檄郡決之父老泣訴
洸曰吾不忍獲罪百姓也卻之已而大雨漕運
通歲亦大熟民歌之曰

我瀦我水以灌以漑俾我不奪蔡公是賴

趙范引諺

宋史趙范傳進直徽猷閣知揚州淮東安撫副

使彭義斌使統領張士顯見范請合謀討李全
范告於制置使趙善湘曰以義斌蹙全如山壓
卵莫若移揚州增戍之兵往盱眙而四總管兵
各畱半以備金人餘皆起發入淮以斷賊歸路
密約義斌自北攻之事無不濟丞相史彌遠報
范書令諭四總管各享安靖之福戒范無出位
專兵范乃爲書謝廟堂且決之曰賊見范爲備
則必忌而不得以肆其姦他日必將指范爲首
禍激變之人劫朝廷以去范先生必將曰是何

惜一趙范而不以紓禍哉必將縛范以授賊而
范遂爲宋晁錯雖然使以范授賊而果足以紓
國禍范死何言哉諺曰云故盜賊見有護家
之狗必將指斥於主人使先去之然後肆穿窬
之姦而無所忌然則殺犬固無益於弭盜也彌
遠得書爲之動心

護家之狗盜賊所惡

光化穀城人爲葉康直豐稷歌

宋史葉康直傳知光化縣縣多竹民皆編爲屋

康直教用陶瓦以甯火患凡政皆務以利民時
豐稷爲穀城令亦以治績顯人歌之曰

葉光化豐穀城清如水平如衡

道州人爲蔡元定弟子語

宋史蔡元定傳時韓侂冑擅政設僞學之禁以
空善類臺諫承風併及元定未幾果謫道州至
春陵遠近來學者日衆州士子莫不趨席下以
聽講說有名士挾才簡傲非笑前修者亦心服
謁拜執弟子禮甚恭人爲之語曰

初不敬今納命

果州民爲張義實楊泰之歌

宋史楊泰之傳知果州踣零錢病民泰之以一
年經費儲其贏爲諸邑對減上尙書省按爲定
式民歌之曰云
云張謂張義實自發其端而泰
之踵行之

前張後楊惠我無疆

時人爲胡仲汪藻語

宋史汪藻傳饒州德興人幼穎異入太學中進

士第稍遷江西提舉學事司幹當公事徽宗親
製君臣慶會閣詩羣臣皆賡惟藻和篇衆莫能
及時胡伸亦以文名人爲之語曰老學庵筆記卷一紹聖元
符間汪內相彥章有聲太學學中爲之語曰云云伸字彥時亦新安人

江左二寶胡伸汪藻

李若水死義時歌

宋史李若水傳靖康元年欽宗擢若水禮部尙
書固辭改吏部侍郎二年金人再邀帝出郊若
水扈從以行金人逼帝易服若水抱持而哭金

人曳出擊之敗面後旬日粘罕召計事且問不肯立異姓狀若水曰上皇爲生靈計罪已內禪主上仁孝慈儉未有過行豈宜輕議廢立粘罕指宋失信若水曰若以失信爲過公其尤也厯數其五事粘罕令擁之去反顧罵益甚監軍者搥破其唇嚙血罵愈切至以刃裂頸斷舌而死金人相與言遼國之亡死義者十數南朝惟李侍郎一人臨死無怖色爲歌詩卒曰

云

聞者

悲之

大金國志太宗紀吏部侍郎李若水之出使也修武郎王履副之履臨被害略無懼

色且歌詩末章云
云云人聞而悲之

矯首問天兮天卒無言

東都事略李若水傳無作不

忠臣効死兮死

亦何愆

大金國志太宗紀愆作愆

龍南安遠諺

宋史秦檜傳樞密院編修官胡銓上疏願斬檜
與王倫以謝天下檜械送銓貶昭州陳剛中以
啟賀銓檜大怒送剛中吏部差知贛州安遠縣
贛有十二邑安遠濱嶺地惡瘴深諺曰
云言
必死也剛中果死

龍南安遠一去不轉

馬氏將亂時湘中童謠

宋史湖南周氏世家湖南周行逢朗州武陵人以驍勇累遷裨校自唐乾寧二年馬氏專有湖南二十州之地周廣順初兄弟爭國求援於江南李景景遣大將邊鎬率兵赴之因下長沙遷馬氏之族於建康景以鎬爲潭帥會朗州衆亂推牙將劉言爲畱後言以行逢爲都指揮使景召言入金陵言懼遣副使王進達行軍何景真

與行逢帥舟師襲破潭州鎬遁去周祖卽以言
爲朗帥王進達爲潭帥行逢爲潭州行軍司馬
領集州刺史未幾進達寇朗州害劉言周祖卽
以進達爲朗州節度以行逢領鄂州節度知潭
州軍府事初朗州人謂劉言爲劉黻牙馬氏將
亂湘中童謠云云及邊鎬俘馬氏鎬爲劉言
所逐而言亦被害

馬去不用鞭齧牙過今年

青箱雜記卷七
去下有也字

太祖瀋欽皇后引諺

遼史皇子表太祖瀆欽皇后生三子倍第一室宗

義宗傳名倍太祖長子立爲皇太子太祖以倍爲人皇王太祖計至倍知皇太后意欲立德光請於太后而讓位焉太宗旣立見疑倍浮海而去五子長世宗世宗紀諱阮讓國皇帝長子

太宗第二李胡第三一名洪古字奚隱天顯五

年立爲皇太弟兼天下兵馬大元帥太宗凡親

征常畱守京師性酷忍世宗卽位於鎮陽太后

怒遣李胡將兵往擊至泰德泉爲安端劉哥所

敗耶律屋質諫太后

章肅皇帝傳名李胡太后與世宗隔潢河而陣各言

舉兵意耶律屋質入諫太后曰主上已立宜許之

李胡作色曰我在凡

欲安得立

案世宗紀小字兀欲此作凡誤

屋質曰民心畏公酷

暴無如之何太后曰我與太祖愛汝異於諸子

諺曰

云

我非不欲立汝汝自不能矣李胡往

世宗軍議和解劔而後見和約定趨上京

偏憐之子不保業難得之婦不主家

遼土河童謠

遼史太祖淳欽皇后述律氏傳后簡重果斷有

雄略嘗至遼土二河之會有女子乘青牛車倉

猝避路忽不見未幾童謠曰

云

蓋諺謂地祇

爲青牛姬云太祖卽位羣臣上尊號曰地皇后
神冊元年大冊加號應天大明地皇后

青牛姬曾避路

武定軍百姓爲楊佺歌

遼史楊佺傳重熙十五年出爲武定軍節度使
境內方旱苗稼將槁視事之夕雨澤霑足百姓
歌曰

何以蘇我上天降雨誰其撫我楊公爲主

時人爲蕭巖壽語

遼史蕭巖壽傳大康元年同知南院宣徽使事

遷北面林牙密奏乙辛

按據道宗紀及乙辛傳乙上當補耶律二字

以皇太子知國政心不自安恐有陰謀動搖太
子上悟出乙辛爲上京畱守會乙辛生日上遣
近臣耶律白斯本賜物爲壽乙辛因私屬白上
臣見姦人在朝陛下孤危身雖在外竊用寒心
白斯本還以聞上由是反疑巖壽出爲順義軍
節度使乙辛復入爲樞密使流巖壽於烏隗路
終身拘作巖壽雖竄逐恒以社稷爲憂時人爲

之語曰

云

云三年乙辛誣嚴壽與謀廢立事執

還殺之

以狼牧羊何能久長

熙宗引諺

金史熙宗紀皇統八年十一月乙未左丞相宗

賢左丞稟等言州郡長吏當竝用本國人上曰

四海之內皆朕臣子若分別待之豈能致一諺

不云乎

云

云自今本國及諸色人量才通用之

疑人勿使使人勿疑

泰和八年童謠

金史五行志泰和八年八月時又有童謠云

云至貞祐中舉國遷汴

易水流汴水流百年易過又休休兩家都好住前後總

成畱

大金國志宣宗紀上成作遲

貞祐元年衛州童謠

金史五行志宣宗貞祐元年十二月時衛州有

童謠曰

云

明年正月元兵破衛遂邱墟矣

團戀冬劈半年寒食節没人烟

興定中童謠

金史五行志興定五年十二月丁丑霜附木先

是有童謠云

云

蓋是時人皆爲兵轉鬪山谷

戰伐不休當至老也

青山轉轉山青耽誤盡少年人

世祖時童謠

金史世紀景祖卒第二子襲節度使是爲世祖

諱劼里鉢世祖卒母弟頗刺淑襲節度使景祖

第四子也是爲肅宗跋黑傳

傳序昭祖威順皇后生景祖次室達

胡末烏薩札部人生跋黑跋黑自幼時每爭攘飲食昭祖見

而惡之曰後必爲子孫之患世祖初立跋黑果

有異志誘桓赦散達烏春窩謀罕離間部屬使

貳於世祖世祖患之乃加意事之使爲勃堇百官

志序其部長曰勃堇而不令典兵跋黑旣陰與桓赦烏春

謀計國人皆知之而童謠有云之語世紀作部中有

流言世祖亦以策探得兄弟部人向背世紀世祖乃佯

爲具裝欲有所往者陰遣人揚言曰寇至部衆

聞者莫知虛實有保於跋黑之室者有保於世

祖之室者世祖乃盡得兄弟部屬向背彼此之情矣烏春桓赦相次以兵

來攻世祖外禦強兵而內畏跋黑之變將行聞
跋黑食於其愛妾之父家肉張咽而死且喜且
悲乃迎尸而哭之

欲生則附於跋黑欲死則附於刻里鉢頗刺淑

世紀刻
作劾

時人爲谷神婁室語

金史紇石烈良弼傳本名婁室天會中選諸路
女直字學生送京師良弼與納合椿年皆童丱
俱在選中是時希尹爲丞相以事如外郡良弼
遇之途中望見之歎曰吾輩學丞相文字千里

來京師固當一見乃入傳舍求見拜於堂下希尹問曰此何兒也良弼自贊曰有司所薦學丞相文字者也希尹大喜問其所學應對無懼色希尹曰此子他日必爲國之令器畱之數日年十四爲北京教授學徒常二百人時人爲之語

曰云其從學者後皆成名年十七補尙書省

令史簿書過目輒得其隱奧雖大文牒口占立

成詞理皆到時學希尹之業者稱爲第一

完顏希尹

傳本名谷神自太祖舉兵常在行陣金人初無文字國勢日強與鄰國交好迺用契丹字太祖

命希尹撰本國字備制度希尹乃依漢人楷字
因契丹字制度合本國語製女直字天輔三年
八月字書成太祖
大悅命頒行之

前有谷神後有婁室

平陽百姓爲張浩楊伯雄語

金史楊伯雄傳改平陽尹先是張浩治平陽有
惠政及伯雄爲尹百姓稱之曰

前有張後有楊

時人爲趙秉文語

金史趙秉文傳明昌六年入爲應奉翰林文字

同知制誥上書論宰相胥持國當罷宗室守貞

可大用章宗召問言頗差異於是命知大興府

事內族舊等鞫之

按本書宗室表云大定以前稱宗室明昌以後稱內族其實一而已內族舊見列傳第四

說文舊用也从音从自讀若庸秉文初不肯言

詰其僕厯數交游者秉文乃曰初欲上言嘗與

修撰王庭筠御史周昂省令史潘豹鄭贊道高

坦等私議庭筠等皆下獄決罰有差有司論秉

文上書狂妄法當追解上不欲以言罪人遂特

免焉當時爲之語曰

云

士大夫莫不恥之坐

是久廢

古有朱雲今有秉文朱雲攀檻秉文攀人

歸潛志卷十作不攀欄檻

只攀人

哀宗引諺

金史撤合輦傳內族也哀宗正大元年以輦同判大陸親府事四年大元旣滅西夏進軍陝西羣臣多主和事獨輦力破和議八月朝廷得清水之報令有司罷防城及修城丁壯凡軍需租調不急者權停初聞大兵自鳳翔入京兆關中

大震令民入保爲避遷計當時議者以謂大兵
未至而河南先亂至是上謂撤合輦曰諺云
云朝廷或欲我一戰汝獨言當靜以待之與朕
意合今日有太平之望皆汝謀也

水深見長人

河內正平縣民爲王競韓希甫張元諺

金史王競傳轉河內令時歲饑盜起競設方略
以購賊不數月盡得之夏秋之交沁水泛溢歲
發民築堤豪民猾吏因緣爲姦競覈實之減費

幾半縣民爲之諺曰

云

蓋以前政韓希甫與

競相繼治縣皆有幹能絳州正平令張元亦有
治績而差不及故云然

西山至河岸縣官兩人半

四方爲李如胥持國語

金史佞幸胥持國傳經童出身章宗明昌四年
拜參知政事遂行尙書省事明年進尙書右丞
持國爲人柔佞有智術初李妃起微賤得幸於
上持國又多賂遺妃左右用事人妃亦自嫌門

第薄欲藉外廷爲重乃數稱譽持國由是大爲
上所信任與妃表裏箠擅朝政士之好利躁利
者皆趨走其門下四方爲之語曰云惡其卑

賤庸鄙也

章宗元妃李氏傳元妃李氏師兒其家有罪沒入宮籍監父湘母王盼兒

皆微賤大定末以監戶女子入宮宦者梁道勸章宗納之遂大愛幸明昌四年封爲昭容明年進封淑妃兄喜兒與弟鐵哥勢傾朝廷胥持國依附以致宰相中宮虛位久章宗意屬李氏進封爲元妃而勢位熏灼與皇后侔矣

經童作相監婢爲妃

古謠諺卷十三終

古謠諺卷十四

秀水杜文瀾輯

至元十六年彰德路民謠

元史五行志二至元十六年六月彰德路葦葉
順次倚疊而生自編成若旗幟上尖葉聚粘如
槍民謠曰

葦生成旗民皆流離葦生成槍殺伐遭殃

至正二十八年彰德路童謠

元史五行志二至正二十八年六月壬寅彰德

路天寧寺塔忽變紅色自頂至踵表裏透徹如
煅鐵初出於爐頂上有光焰迸發自二更至五
更乃止癸卯甲辰亦如之先是河北有童謠云

古今風謠作元
末真定童謠

塔兒黑北人作主南人客塔兒紅朱衣人作主人公

古今

風謠作塔兒白北人是主南人
客塔兒紅南人來做主人公

至元十六年彰德民謠

元史五行志二至元十六年七月彰德李樹結

實如小黃瓜民謠云

李生黃瓜民皆無家

至元五年八月京師童謠

元史五行志二至元五年八月京師童謠云

白雁望南飛馬札望北跳

至正五年淮楚間童謠

元史五行志二至正五年淮楚間童謠云

富漢莫起樓窮漢莫起屋但看羊兒頭便是吳家國

至正十五年京師童謠

元史五行志二至正十五年京師童謠云

一陣黃風一陣沙千里萬里無人家回頭雪消不堪看
三眼和尚弄瞎馬

元統二年彰德民謠

元史五行志二 元統三年六月彰德雨白毛俗
呼云老君髯民謠云

天雨鼈事不齊

至元三年彰德民謠

元史五行志二 至元三年三月彰德雨毛如錦
而緣俗呼云菩薩線民謠云

天雨線民起怨中原地事必變

金末庚午歲童謠

元史郭寶玉傳通天文兵法善騎射金末封汾陽郡公兼猛安引軍屯定州歲庚午童謠曰

云

旣而太白經天寶玉歎曰北軍南汴梁卽降天改姓矣金人以獨吉思忠僕散揆行中書省領兵築烏沙堡會太師木華黎軍忽至敗其兵三十餘萬思忠等走寶玉舉軍降

搖搖器器至河南拜關氏

夏貴引諺

元史洪君祥傳左丞相伯顏伐宋君祥以蒙古
漢軍都鎮撫從行伯顏克淮安至揚州分兵攻
淮西宋制置夏貴遣牛都統以書抵伯顏曰諺
云云願勿廢國力攻奪邊城若行在歸附邊
城焉往伯顏遣君祥以牛都統入見畱三日還

軍中

殺人一萬自損三千

雷州民爲烏古孫澤歌

元史烏古孫澤傳澤爲廣西兩江道宣慰副使
僉都元帥府事海北元帥薛赤干賊利事覺行
省檄澤驗治澤馳至雷州盡發其奸賊海北之
民欣抃相慶詔擢爲海北海南廉訪使雷州地
近海潮汐齧其東南陂塘鹹農病焉而西北廣
衍平表宜爲陂塘澤行視城陰曰三溪徒走海
而不以灌漑此史起所以薄西門豹也乃教民
浚故湖築大堤竭三溪瀦之爲斗門七堤竭六
以制其贏耗醺爲渠二十有四以達其注輸渠

皆有支別爲牘設守視者時其啟閉計得良田
數千頃瀕海廣瀉並爲膏土民歌之曰

舄鹵爲田兮孫父之教渠之泱泱兮長我秔稻自今有
生兮無旱無澇

時人爲歸暘吳炳語

元史歸暘傳汴梁人授同知潁州事轉大都路
儒學提舉未上至元五年十一月杞縣人范孟
謀不軌詐爲詔使至河南省中殺平章月魯帖
木兒左丞刼烈廉訪使完者不花總管撒里麻

召官屬及去位者署而用之以段輔爲左丞使
暘北守黃河口暘力拒不從賊怒繫於獄衆叵
測所爲暘無懼色已而賊敗汙賊者皆獲罪暘
獨免同里有吳炳者嘗以翰林待制徵不起賊
呼炳司卯酉厯炳不敢辭時人爲之語曰云
暘至此名譽赫然云

歸暘出角吳炳無光

紹興鄉里爲俞母語

元史列女聞氏傳紹興俞新之妻也大德四年

新之歿聞氏年尙少父母欲更嫁之聞氏卽斷
髮自誓父知其志篤乃不忍強姑久病風且失
明聞氏手滌溷穢不怠時漱口上堂舐其目目
爲復明及姑卒家貧無資傭工與子親負土葬
之朝夕悲號聞者慘惻鄉里嘉其孝爲之語曰
欲學孝婦當問俞母

蘇州民爲張士信等謠

明史五行志三太祖吳元年張士誠弟僞丞相
士信及黃敬夫葉德新蔡彥文用事時有十七

字謠曰云

未幾蘇州平士信及三人者皆被

誅此其應也

張士誠傳至正二十三年九月士誠復自立為吳王以士信為浙江

行省左丞相參軍黃敬夫蔡彥文葉德新主謀議二十六年大軍進攻平江士誠數突圍決戰

不利最後丞相士信中礮死城中洶洶無固志

二十七年九月城破先是黃敬夫等三人用事

吳人知士誠必敗有黃菜葉十七字之謠其後

卒驗云翦勝野聞偽周主張士誠據有江東

時姑蘇市井中童謠曰云云後國事既去太祖

取其臣黃蔡葉三人者剗其腸而懸之至成乾

腊

丞相做事業專靠黃蔡葉一朝西風起乾鼉

翦勝野聞丞相作張

王專靠作只憑朝作夜起作來國初事蹟靠作用黃

作王鼉作別釋云王者乃王敬夫古今風謠作黃菜

古謠謠

卷十四

曼它羅華閣

葉西風來便乾
折注云今作癘

建文初年道士歌

明史五行志三建文初年有道士歌於途曰

云

云已忽不見是靖難之讖也

莫逐燕逐燕日高飛高飛上帝畿

明詩綜卷一百日作起

正統二年京師小兒歌

明史五行志三正統二年京師旱街巷小兒爲

土龍禱雨拜而歌曰

云

說者謂雨帝者與弟

也帝弟同音城隍者邸王再來還土地者復辟

也景帝紀宣宗次子也英宗卽位封郕王正統十四年秋八月英宗北狩皇太后命王監國九月癸未王卽皇帝位遙尊皇帝爲太上皇帝景泰元年秋八月丙戌上皇還京師八年春正月壬午武清侯石亨副都御史徐有貞等迎上皇復位二月乙未廢帝爲郕王又有羣兒環繞一人按月問云正月裏狼來咬羊齊拒之至八月則放狼入尤協後之驗也明詩綜卷一百正統中京師羣兒連臂呼於塗曰正月裏狼來齧豬未一兒應曰未也循是至八月則應曰來矣來矣皆散走時方旱又有羣兒於塗云云旣而有狼山之難

雨帝雨帝城隍土地雨若再來還我土地

古今風謠再作大還我作

了謝

萬曆末年道士歌

明史五行志三萬厯末年有道士歌於市

明季北略

卷二天啟初有道人宿朝天宮曰云歌市中曰云云卷三作異人歌曰云

北人讀

客爲楷茄又轉音爲魏忠賢客氏之兆

委鬼當頭坐茄花遍地生

明紀北略卷二頭作朝坐作立遍作滿生作紅

萬厯末年謠

明史五行志三又有謠

蜀碧卷一作曰云

賊

羅汝才自號曹操此其兆也

鄴臺復鄴臺曹操再出來

蜀碧再出作今再

宮人爲馬后歌

明史太祖孝慈高皇后馬氏傳洪武元年正月
太祖卽帝位冊爲皇后后勤於內治暇則講求
古訓告六宮帝嘗怒責宮人后亦佯怒令執付
宮正司議罪帝曰何爲后曰帝王不以喜怒加
刑罰當陛下怒時恐有畸重付宮正則酌其平
矣卽陛下論人罪亦詔有司耳妃嬪宮人被寵
有孚者厚待之洪武十五年八月丙戌崩年五
十一是年九月庚午葬孝陵謚曰孝慈皇后宮
人思之作歌曰

我后聖慈化行家邦撫我育我懷德難忘懷德難忘於

萬斯年茲彼下泉

彤史拾遺
記茲作泌

悠悠蒼天

方孝孺絕命詞

明史方孝孺傳及惠帝卽位改文學博士燕兵
起廷議討之詔檄皆出其手建文三年帝命孝
孺草詔遣大理寺少卿薛嵒馳報燕盡赦燕罪
使罷兵歸藩又爲宣諭數千言授嵒持至燕軍
中密散諸將士比至嵒匿宣諭不敢出燕王亦
不奉詔明年燕兵至江北帝命諸將集舟師江

上而陳瑄以戰艦降燕燕兵遂渡江時六月乙卯也乙丑金川門啟燕兵入帝自焚是日孝孺被執下獄成祖欲使草詔召至悲慟聲徹殿陛成祖降榻勞曰先生毋自苦予欲法周公輔成王耳孝孺曰成王安在成祖曰彼自焚死孝孺曰何不立成王之子成祖曰國賴長君孝孺曰何不立成王之弟成祖曰此朕家事顧左右授筆札曰詔天下非先生草不可孝孺投筆於地且哭且罵曰死卽死耳詔不可草成祖怒命磔

諸市孝孺慨然就死作絕命詞曰

天降亂離兮孰知其由奸臣得計兮謀國用猶忠臣發

憤兮血淚交流以此殉君兮抑又何求嗚呼哀哉兮庶

不我尤

備遺錄亂離作喪亂孰作莫由作繇此作死

韓郁引諺

明史高巍傳及惠帝卽位知州王欽應詔辟巍

巍因赴吏部上書論時政用事者方議削諸王

獨巍與御史韓郁

革除逸史卷一郁作都

先後請加恩郁

疏略曰諸王親則太祖遺體貴則孝康皇帝手

足尊則陛下叔父使二帝在天之靈子孫爲天子而弟與子遭殘戮其心安乎夫唇亡齒寒人自危周王旣廢湘王自焚代府被摧而齊臣又告王反矣九重之憂方深而出入帷幄與國事者方且揚揚自得彼其勸陛下削藩國者果何心哉諺曰

云

殊有理也幸少垂洞鑒興滅

繼絕釋代王之囚封湘王之墓還周王於京師迎楚蜀爲周公俾各命世子持書勸燕罷兵守藩以慰宗廟之靈篤厚親親宗社幸甚不聽

親者割之不斷疎者續之不堅

時人爲韓雍陳選語

明史陳選傳授御史巡按江西盡黜貪殘吏時

人語曰

韓雍傳授御史以才略稱巡按江西黜貪墨吏五十七人廬陵太和盜起捕誅

之

前有韓雍後有陳選

江陰民爲周斌歌

明史楊瑄傳附周斌傳字國用昌黎人授御史

降知縣斌在江陰有惠政民歌曰

云

云斌厯廣

東右布政使初去江陰民立生祠

旱爲災周公禱之甘露來水爲患周公禱之陰雨散

明詩

綜卷一百二周字
皆作我無二之字

京師爲左鼎練綱語

明史左鼎傳正統七年進士明年尙書王直考
鼎及白圭等十餘人曉諳刑名皆授御史而鼎
得南京尋改北巡按山西鼎居官清勤卓有聲
譽御史練綱以敢言名而鼎尤善爲章奏京師

語曰

云

云自公卿以下咸憚之

左鼎手練綱口

成化時謠

明史萬安傳成化五年命兼翰林學士入內閣
參機務安無學術既柄用惟日事請託結諸閹
爲內援進華蓋殿大學士劉珝傳成化十年進
吏部左侍郎明年詔以本官兼翰林學士入閣
預機務進謹身殿大學士初商輅之劾汪直也
珝與萬安劉吉助之爭得罷西廠已而西廠復
設珝不能有所爭時內閣三人安貪狡吉陰刻

珣稍優顧喜譚論人目爲狂躁劉吉傳成化十
一年與劉珣同授命兼翰林學士入閣預機務
久之進謹身殿大學士孝宗卽位委寄愈專初
吉與萬安劉珣在成化時帝失德無所規正時
有_云之謠吉多智數善附會自緣飾銳於營
私時爲言路所攻居內閣十八年人目之爲劉
繇花以其耐彈也

紙糊三閣老泥塑六尙書

時人爲朱銓龍文語

明史石亨傳景泰元年于謙立團營命亨提督
充總兵官如故八年與張軌曹吉祥等謀迎立
上皇上皇旣復辟以亨首功進爵忠國公眷顧
特異言無不從納私人重賄引用太僕丞孫宏
郎中陳汝言蕭璵張用瀚郝璜龍文朱銓員外
郎劉本道爲侍郎時有語曰云
進者競走其門云勢焰薰灼嗜

朱三千龍八百

彭時引諺

明史彭時傳憲宗成化三年六月詔趣還朝加太子少保兼文淵閣大學士四年彗見三臺時等言外廷大政固所當先宮中根本尤爲至急諺云云今嬪嬙衆多維熊無兆必陛下愛有所專而專寵者已過生育之期故也望均恩愛爲宗社大計時帝專寵萬貴妃妃已近四十時故云然帝雖不能從而心嘉其忠

子出多母

時人爲李東陽劉健謝遷語

明史劉健傳受知於孝宗既卽位進禮部右侍郎兼翰林學士入內閣參預機務健學問深粹正色敢言以身任天下之重其事業光明俊偉明世輔臣鮮有比者謝遷傳宏治八年詔同李東陽入內閣參預機務遷儀觀俊偉秉節直亮與劉健李東陽同輔政而遷見事明敏善持論時人爲之語曰云天下稱賢相李東陽傳宏治八年直文淵閣參預機務與謝遷同日登用東陽與首輔劉健等竭心獻納時政闕失必盡

言極諫東陽工古文閣中疏草多屬之疏出天
下傳誦

李公謀劉公斷謝公尤侃侃

時人爲王恕謠

明史王恕傳成化二十年復改恕南京兵部尙
書恕侃侃論列無少避先後應詔陳言者二十
一建白者三十九皆力阻權倖天下傾心慕之
遇朝事有不可必曰王公胡不言也則又曰公
疏且至矣已恕疏果至時爲謠曰

云

於是貴

近皆側目帝亦頗厭苦之

兩京十二部獨有一王恕

川東人爲流賊官軍土兵謠

明史洪鍾傳正德四年加太子少保兼左都御史掌院事五年春湖廣歲饑盜起命鍾以本官總制軍務陝西河南四川亦隸焉時保寧賊藍廷瑞鄢本恕旣入川求降冀得間逸去鍾圖之廷瑞本恕暨其黨悉就禽惟廖麻子得脫未幾廖麻子及其黨曹甫掠營山蓬州七年賊勢盛

鍾乃議招撫甫聽命遂赴軍門受約束歸散其黨而麻子忿甫背已殺之并其衆轉掠川東官軍不敢擊潛躡賊後賊良民爲功士兵虐尤甚時有謠曰云巡按御史王綸紀功御史汪景芳劾鍾縱兵不戢詔召鍾還

賊如梳軍如篦士兵如鬚

澤州人爲陳金語

明史陳金傳正德改元乞歸不允尋以右都御史總督兩廣軍務進左都御史斷藤峽苗時出

剽金念苗嗜魚鹽可以利縻也乃立約束令民
與苗市改峽曰永通苗性貪而黠初陽受約旣
乃不與直殺掠益甚潯州人爲語曰云蓋咎
金失計也

永通不通來葬江中誰其作者噫陳公炎徼紀聞卷二
通求不獲葬江中明詩綜卷一百
獲作得者作始餘與炎徼紀聞同

江西民爲土賊土兵謠

明史陳金傳正德六年二月江西盜起詔起金
故官總制軍務南畿浙江福建廣東湖廣文武

將吏俱隸焉許便宜從事金累破劇賊然所用
目兵貪殘嗜殺剽掠甚於賊有巨族數百口闔
門羅害者所獲婦文率指爲賊屬載數千艘去
民間謠曰云金亦知民患之方倚其力不爲
禁士民皆深怨焉紀功給事中黎奭及兩京言
官交章劾金乃召金還

士賊猶可士兵殺我

鄰下爲林俊張讞語

明史林俊傳成化十四年進士除刑部主事進

六

員外郎性侃直不隨俗浮湛事涉權貴尙書林
聰輒屬俊治之上疏請斬妖僧繼曉并罪中貴
梁芳帝大怒下詔獄考訊後府經歷張黻救之
並下獄太監懷恩力救俊得謫姚州判官黻師
宗知州時言路久塞兩人直聲震都下爲之語
曰

御史在刑曹黃門出後府

京師爲嚴嵩嚴世蕃謠

明史楊繼盛傳調南京戶部主事三月遷刑部

員外郎復改兵部武選司乃上奏曰方今外賊
惟俺答內賊惟嚴嵩未有內賊不去而可除外
賊者高皇帝罷丞相設立殿閣之臣備顧問視
制草而已嵩乃儼然以丞相自居凡府部題覆
先面白而後草奏百官請命奔走直房如市無
丞相名而有丞相權陛下令嵩司票擬蓋其職
也嵩何取而令子世蕃代擬題疏方上天語已
傳如沈鍊劾嵩疏陛下以命呂本本卽潛送世
蕃所令其擬上是嵩以臣而竊君之權世蕃復

以子而竊父之柄故京師有

云

之謠

大丞相小丞相

都門爲萬案方祥諺

明史董傳策傳除刑部主事抗疏劾大學士嚴嵩略言吏兵二部持選簿就嵩填注文選郎萬案職方郎方祥甘聽指使不異卒隸都門諺語

至以

云

目之

文武管家

呂坤引蜀民語

明史呂坤傳歷刑部左右侍郎疏陳天下安危
其略曰人心者國家之命脈也今日之人心惟
望陛下收之而已以採木言之丈入之圍非百
年之物深山窮谷蛇虎雜居毒霧常多人烟絕
少寒暑饑渴瘴癘死者無論矣乃一木初臥千
夫難移倘遇阻艱必成傷殞蜀民語曰云哀
可知也臣見楚蜀之人談及採木莫不哽咽苟
損其數增其直多其歲月減其尺寸而川貴湖
廣之人心收矣

入山一千出山五百

都人爲陳與郊語

明史王汝訓傳累遷光祿少卿吏科都給事中
海寧陳與郊者大學士王錫爵門生又附申時
行恣甚汝訓抗疏數其罪言與郊受賄狼藉吏
部尙書楊巍亦嘗語侍郎趙煥謂爲小人乞速
罷譴天下惟公足以服人乞特敕吏部自後遷
轉科道毋惡異喜同好諛醜正是時巍以政府
故方厚與郊聞汝訓言引已且刺之大恚言臣

未嘗詆與郊汝訓以寺臣攻言路正決裂政體
之大者乃調汝訓南京頃之御史王明復劾與
郊并及魏詔奪明俸擢與郊太常少卿都人爲
之語曰

欲京堂須彈章

南康士民爲林學會李應昇謠

明史李應昇傳授南康推官出無辜十九人於
死寘大猾數十人重辟士民服其公廉爲之謠

曰

云

林謂晉江林學會卒官南京戶部侍郎

以清慎著稱者也

前林後李清和無比

秦中士民爲曹文詔謠

明史曹文詔傳陝西賊熾以功擢臨洮總兵官
關中巨寇略平文詔在陝西大小數十戰功最
多當是時賊見陝兵盛多流入山西御史張宸
極言賊自秦中來秦將曹文詔威名宿著士民
爲之謠曰

云

云

且嘗立功晉中而秦賊滅且盡

宜敕令入晉協剿於是命陝西山西諸將并受

文詔節制

軍中有一曹西賊聞之心膽搖

按明季北略卷九亦載此謠而兼屬之曹變蛟云蓋
賊最畏曹文詔其標將曹變蛟更驍勇據曹變蛟傳
云文詔從子也幼從文詔積功至遊擊進參將山西
巡撫許鼎臣言變蛟驍勇絕人才乃文詔亞是時曹
兵最強各鎮依之以爲固蓋叔姪戰功皆高故一曹
之稱或屬文詔或屬變蛟耳

諸軍爲左良玉猛如虎謠

明史猛如虎傳崇禎十三年督師楊嗣昌請於
朝令從入蜀十一月擢如虎爲總統明年正月
嗣昌親統舟師下雲陽檄諸將陸追賊諸軍乃
盡躡賊後賊折而東返歸路悉空不可復遏如
虎所將止六百騎皆左良玉部兵驕悍不可制
所過肆焚掠惟參將劉士杰勇敢思立功諸軍
從良玉多優閒不戰改隸如虎馳逐山谷風雪
中咸怨望謠曰

蜀碧卷一
作流言

想殺我左鎮跑殺我猛鎮

濟甯人爲方克勤歌

明史方克勤傳洪武四年特授濟甯知府時始
詔民墾荒闕三歲乃稅克勤與民約稅如期區
田爲九等以差等徵發野以日闢盛夏守將督
民夫築城克勤曰民方耕耘不暇奈何重困之
畚鍤請之中書省得罷役先是大旱遂大樹濟
甯人歌之曰云視事三年戶口增數倍一郡
饒足

孰罷我役使君之力孰活我黍使君之雨使君勿去我

民父母

松江民爲趙豫謠

明史趙豫傳宣德五年五月簡廷臣九人爲知府豫得松江奉敕往方豫始至患民俗多訟訟者至輒好言諭之曰明日來衆皆笑之有云之謠及訟者逾宿忿漸平或被勸阻多止不訟松江太守明日來

時人爲何廷仁黃宏綱錢德洪王幾語

明史錢德洪傳餘姚人王守仁自尙書歸里德

洪偕數十人共學焉王畿傳山陰人跌宕自喜
後受業王守仁聞其言無底滯守仁大喜何廷
仁傳何廷仁黃宏綱皆雩都人志行相準廷仁
初慕陳獻章後聞王守仁之學於宏綱守仁征
桶岡詣軍門謁遂師事焉守仁之門從游者恒
數百浙東江西尤衆善推演師說者稱宏綱廷
仁及錢德洪王畿時人語曰

江有何黃浙有錢王

吳人爲皇甫氏張氏兄弟語

三

明史皇甫湊傳長洲人父錄生四子冲湊汭濂

兄弟並好學工詩稱皇甫四傑其後里人張鳳

翼燕翼獻翼並負才名吳人語曰明詩綜卷五十五張鳳翼

字伯起獻翼字幼于燕翼字叔貽注載靜志居詩話伯起好填詞梨園子弟多演之然俗筆耳

其叔貽詩亦庸庸惟幼于小有才然亦頽惰自放而吳人之謔比於四皇甫論其工拙判若雲

淵矣

前有四皇後有三張

館中爲許國李維楨語

明史李維楨傳舉隆慶二年進士由庶吉士授

編修萬厯時穆宗實錄成進修撰維楨弱冠登
朝博聞強記與同館許國齊名館中爲之語曰
記不得問老許做不得問小李

明詩綜卷一
百做作作

焦芳引諺

明史閹黨焦芳傳芳旣積忤廷臣復銳進乃深
結閹宦以自固正德初戶部尙書韓文言會計
不足廷議謂理財無奇術唯勸上節儉芳知左
右有竊聽者大言曰庶民家尙須用度况縣官

耶諺云

云

今天下逋租匿稅何限不是檢索

而但云損上何也武宗聞之大喜

無錢揀故紙

時人爲李恒茂李魯生李蕃語

明史閹黨霍維華傳李蕃日照人與李魯生皆萬厯四十一年進士蕃由廬江知縣入爲御史魯生亦方居垣中皆爲魏忠賢心腹魯生霑化人擢兵科給事中卑汚奸險常參密謀又有李恒茂者邢臺人爲禮科給事中恒茂魯生蕃日走吏兵二部交通請託時人爲之語曰

官要起問三李

明詩綜卷一百官作若三作二案此係但數魯生蕃不數恒茂也

時人爲田爾耕謠

明史閹黨田爾耕傳天啟四年代駱思恭掌錦衣衛事狡黠陰賊與魏良卿爲莫逆交魏忠賢斥逐東林數興大獄爾耕廣布偵卒羅織平人鍛鍊嚴酷入獄者卒不得出宵人希進者多緣以達於忠賢良卿復左右之言無不納朝士輻輳其門魏廣微亦與締姻時有

云之謠

大兒田爾耕

福王時南都人語

明史奸臣馬士英傳權震中外朝政濁亂賄賂
公行四方警報狎至士英身掌中樞日以鋤正
人引凶黨爲務大僚降賊者賄入輒復其官諸
白丁隸役輸重賂立躋大帥都人爲語曰
其刑賞倒亂如此

職方賤如狗都督滿街走

華人爲貓里務語

明史合貓里國傳海中小國也土瘠多山山外

大海饒魚蟲人知耕稼其國又名貓里務近呂
宋商舶往來漸成富壤華人入其國不敢欺凌
市法最平故華人爲之語曰

若要富須往貓里務

外國竹枝詞
注往作尋

舟人往西洋諺

明史賓童龍國傳有崑崙山節然大海中與占
城及東西竺鼎峙相望其山方廣而高其海卽
曰崑崙洋諸往西洋者必待順風七晝夜始得

過故舟人爲之諺曰

星槎勝覽作俗云夢
梁錄卷十二作舟人云

上怕七州

夢梁錄上作去枝詞注西洋朝貢典錄卷上州作洲

星槎勝覽外國竹

下怕崑

崑

夢梁錄下作回

針迷舵失人船無存

星槎勝覽外國竹枝詞注西洋朝貢典錄無作

莫

眞臘諺

明史眞臘國傳其國城隍周七十餘里幅員廣

數千里國中有金塏金橋殿宇三十餘所王歲

時一會羅列玉猿孔雀白象犀牛於前名曰百

塏洲盛食以金盤金碗故有

云

之諺民俗富

饒禾一歲數稔

富貴真臘

三佛齊國舊港語

明史三佛齊國傳時瓜哇已破三佛齊據其國

改其名曰舊港轄十五州土沃宜稼語

星槎勝覽作古

云

云云

云言收穫盛而貿金多也

一年種穀三年生金

案瀛涯勝覽亦載此條而意各有屬語亦較異今並存之

古謠諺卷十四終